

四庫全書

經部

欽定四庫全書

經部

欽定周官義疏卷四十六

詳校官監察御史_臣施朝幹

刑部郎中_臣許兆椿覆勘

覆校官監丞_臣侍朝

校對官中書_臣王友亮

謄錄監生_臣冀士隆


繪圖監生_臣周偉

欽定四庫全書

欽定周官義疏卷四十六

禮器圖二


璧羨



案考工記璧羨度尺好三寸以為度注云羨猶延其
袤一尺而廣狹焉疏云羨不圜之意此璧應圓徑九
寸今減一寸以益上下之袤一寸則上一尺廣八
寸又說文人手卻十分動脉為寸口十寸為尺周制
寸尺咫尋常仞諸度量皆以人之體為法又曰中婦
人手長八寸為之咫周尺也然則璧羨袤十寸廣八
寸同謂之度尺則周制十寸八寸皆為尺矣以十寸
之尺起度則十尺為丈十丈為引以八寸之尺起度

則八尺為尋倍尋為常故黼深十尺內方八寸而為
嘉量幣長一丈八尺而為制幣此皆璧羨縱橫之數
也度必為璧以起之則圍三徑一之制亦寓乎其中
矣林氏希逸曰璧之好三寸兩邊肉各三寸為九寸
其形稍延則上下之羨處各半寸共為一尺其廣則
八寸也度即量物之尺度

駟琮



案考工記玉人駟

注作組下同

琮五寸宗后以為權駟琮

七寸鼻寸有半寸天子以為權注云以組繫琮因名

為稱錘以起量也以為權故有鼻陳氏祥道曰琮以

為權與璧羨起度同王有鎮后亦有鎮王有權后亦

有權相須而成也后立市故有權其說備矣要之兩

琮制一故不重圖

玉璫




案鬱人凡裸玉濯之陳之注裸玉謂圭瓚璋瓚典瑞
裸圭有瓚以肆先王以裸賓客注鄭司農云於圭頭
為器可以挹鬯裸祭謂之瓚國語謂之鬯圭後鄭謂
漢禮瓚槃大五升口徑八寸下有槃口徑一尺考工
記玉人裸圭尺有二寸有瓚注瓚如盤其柄用圭有
流前注又玉人大璋中璋九寸邊璋七寸射四寸厚
寸黃金勺青金外朱中鼻寸衡四寸有纁天子以巡
守宗祝以前馬注三璋之勺形如圭瓚疏其徑倍狹

所容亦小但形狀相似耳又聶氏崇義曰圭柄金勺
既異其牝牡相合處各長可三寸厚一寸博二寸半
流道空徑可五分三璋之勺皆然又裸時有祭有奠
有啐鄭謂有流前注以祭則可以啐恐未便意流當
旁出以便於啐持其制莫考耳又圭瓚為槃大璋等
則言勺且大小不同然制則一耳故不多贅

佩

組綬



案禮記玉藻曰古之君子必佩玉右徵角左宮羽又
曰凡帶必有佩玉惟喪否佩玉有衝牙天子佩白玉
而玄組綬公侯佩山玄玉而朱組綬大夫佩水蒼玉
而純組綬世子佩瑜玉而綦組綬士佩瑀玫而緼組
綬大戴禮曰下車以佩玉為度上有雙衡下有雙璜
衝牙玼珠以納其閒瑀瑀以雜之陳氏祥道謂其上
衡下璜中有瑀瑀下有衝牙貫之以組綬納之以璜
珠而其色有白蒼赤之辨其聲有角徵宮羽之應其

象有仁智禮樂忠信道德之備或結或垂所以著屈伸之理或設或否所以適文質之儀此所以純固之德不內遷非僻之心無自入也蓋衡以平其心璜以中其德琚欲其有所安牙欲其有所制右徵角所以象事與民左宮羽所以象君與物趨以采齊行以肆夏所以比於樂周旋中規折旋中矩所以比於禮則佩之為物奚適而非道也


虎節



人節




龍節




符節



鹽節



旌節



案陳氏祥道曰節之為物或以玉或以角或以金或以竹或用以守或用於使或用於民周官掌節之所掌者八玉節也角節也虎節也人節也龍節也符節也璽節也旌節也小行人之所達者六虎節也人節也龍節也旌節也符節也管節也掌節守邦國者用玉節守都鄙者用角節此用以守者也山國用虎節土國用人節澤國用龍節皆金為之此用以使者也門關用符節貨賄用璽節道路用旌節皆有期以反

節此用於使與民者也

行人凡其使也必以旌節此使者所執也比長若徒於他

則為之旌節以達之此民所執也


析竹為符節全竹為管節小行人

有管節而掌節無之者掌節所掌謂之邦節以輔王命則所謂邦國之使節使邦國者所執也小行人所達謂之天下之節則所謂龍節人節虎節管節邦國都鄙使者所執非王官所掌也掌節無都鄙之使節以使都鄙者無節特以旌節行之也小行人無璽節以其所掌者使節而貨賄之事不預也然節不持八

節六節而已典瑞珍圭以徵守以恤凶荒牙璋以起
軍旅琬圭以治德以結好琰圭以除慝以易行穀圭
以和難以聘女鄭氏皆以為王使之瑞節則珍圭牙
璋琬圭琰圭穀圭使者為信於所適者也龍節虎節
人節符節旌節行人為信於道路者也調人凡和難
弗辟則與之瑞節而以執之此琰圭耳則琰圭不特
施於使者民亦與之也春秋之時宋司馬握節以死
司城效節於府人而去司馬牛致其邑與圭而適齊

則守節不特於邦國都鄙雖官府小臣亦有之也考
工記牙璋穀圭七寸琬圭琰圭九寸漢竹使符竹箭
五枚長五寸然則先王之節其長蓋亦不過於此若
夫旌節之制又加長焉觀蘇武之仗節則非以寸計
之也漢竹使符銅虎各分其半右留京師左付郡守
唐符璽郎凡國有大事則出納符節班其右藏其左
先王之節其班藏蓋亦如此

英蕩



案陳氏祥道曰掌節凡邦國之使節山國用虎節土國用人節澤國用龍節皆金也以英蕩輔之鄭氏曰使節使卿大夫聘於天子諸侯行道所執之節也杜氏子春云蕩當作帑謂以函器盛此節或曰英蕩畫函考之於經禹貢揚州貢篠蕩大射禮蕩在建鼓之間則蕩竹也詩曰二矛重英又曰朱英綠縢則英飾也節之函以竹為之而有飾焉先儒謂畫函英蕩輔之則英蕩之輔王命持虎人龍節而已非輔其他也


鴈



羔



績



績



雉

鷩



雞




案大宗伯以禽作六摯以等諸臣孤執皮帛卿執羔
大夫執鴈士執雉庶人執鶩工商執雞注以皮為虎
豹皮帛為黑色繒據士昏用束帛儷皮皮以鹿則此
帛亦束皮則異耳陳氏祥道曰帛有衣被之仁皮有
炳蔚之文故孤執之羔有跪乳之禮有羣而不黨之
義故卿執之進必以時行必以序者鴈也故大夫執
之交有時別有倫被文以相質死分而不變者雉也
故士執之可畜而不散遷者鶩也故庶人執之可畜

而不違時者難也故工商執之士相見禮於雉左頭
奉之於鴈飾之以布維之以索如執雉於羔飾之以
布四維之結於面左頭如霹執之蓋執禽者必左首
雉必左首而無飾維鴈有飾維而亦左首鴈之飾與
羔同而維與羔異羔四維而結於面鄭氏謂繫聯四
足交出背上於胸前結之是也士執雉而昏禮用鴈
以贄不用死且攝盛故也觀其所乘者墨車所冠者
爵弁女衣必纁衽領必纁黼腊必用鮮魚必用鮒則


其攝盛可知鄭氏謂鴈順陰陽往來故昏用焉誤也
詩曰雝雝鳴鴈旭日始旦士如歸妻迨冰未泮亦謂
用鴈士禮也賈氏公彥曰昏禮無問尊卑皆用鴈蓋
附會鄭氏而為之說與

案皮帛見
下六帶



圭以馬




璋以皮





帛以璧




錦以琮



琥以繡




橫以補



案此既聘而享之幣也幣類不一此則小行人所謂六幣耳據典瑞職云瑑圭璋以覲聘則六玉皆瑑矣又制帛以束計十端為束端長丈八尺所謂帛錦繡黼其數同也 又案注謂五等諸侯享天子用璧享后用琮其用各如其瑞皆有庭實以馬若皮用圭璋者二王之後也二王後尊故用圭璋而特之其於諸侯亦用璧琮子男於諸侯則用琥璜下其瑞也凡二王後諸侯相享之玉大小各降其瑞據易氏被云典

瑞璩圭璋璧琮以覲聘則諸侯所通用安得曰二王
後用圭璋又禮記曰琥璜爵未聞為子男所專用經
無明文不可臆說也並存之以備參


豆



案周禮醢人掌四豆之實朝事之豆饋食之豆加豆之實凡祭祀共薦羞之豆實賓客喪紀亦如之儀禮聘禮堂上八豆西夾六豆公食大夫六豆上大夫兩豆士昏四豆士喪醢豆兩既夕四豆士虞四豆特牲兩豆少牢四豆有司徹四豆禮記明堂位夏后以楬豆殷玉豆周以獻豆鄭注云楬無異物之飾也獻疏刻之也聶氏崇義云豆以木為之高尺二寸考工旋人瓦豆高一尺受四升口圓徑尺二寸漆赤中大夫

以上畫雲氣口足之飾諸侯以象天子加玉有蓋盛
昌本脾析豚拍之醢醢羸兔鴈之醢韭菁芹筍之菹
及麋鸞鹿鸞鄭注所謂豆宜濡物是也

邊




案周禮籩人掌四籩之實朝事之籩饋食之籩加籩之實羞籩之實凡祭事共其籩喪事及賓客之事共其薦籩羞籩儀禮士冠禮再醺兩籩栗脯鄉射禮大夫與則公士為賓薦脯用籩注所謂籩宜乾物是也禮記郊特牲俎奇而籩豆偶陰陽之義也籩豆之實水土之品也明堂位夫人薦籩豆聶氏崇義云籩以竹為之口有滕緣形制如豆受四升

案此則籩亦高尺二寸



盛棗栗桃梅菱芡脯脩膾鮑糗餌之屬有巾玄被纁

裏園一幅案士喪禮籩無滕則士大夫吉事之籩有
滕可知矣明堂位魯用雕簋簠籩屬也惟魯得用雕
簋則士大夫之籩無雕可知矣

簠




盥



案聶氏崇義曰內方外圓曰簋外方內圓曰簠皆足
高二寸漆赤中天子飾以玉諸侯飾以象簠受一斗
二升口圓徑六寸深七寸底徑五寸二分厚八分足
底徑六寸厚半寸脣寸挫其四角考工族人為簠受
一斗二升簠高一尺厚半寸脣寸口徑五寸二分深
七寸二分底徑五寸二分厚八分足底徑六寸鄭注
有蓋龜陳氏祥道曰管仲鏤簠禮以為僭則大夫士
刻龜於蓋而已人君則全飾之簠盛稻梁簠盛黍稷

朱子圖曰銅簠并蓋重一十三斤二兩通蓋高七寸
深二寸濶八寸一分腹徑長一尺一寸簠并蓋重九
斤通蓋高六寸七分深二寸八分濶五寸腹徑長七
寸九分濶五寸六分

敦



案陳氏祥道曰周禮玉府若合諸侯則共珠槃玉敦

敦槃類珠玉以爲飾古者以槃盛血以敦盛食合諸侯者必割牛耳取其血歃之以盟珠槃以盛牛耳尸盟者執之故書珠爲夷鄭司農云夷槃或爲珠槃玉敦歃血玉器案此盟時盛血之敦別詳下珠槃案

九嬪凡祭祀贊玉盥

玉盥玉敦受黍稷

禮記內則曰

敦牟非餽莫敢用

敦牟黍稷器

明堂位有虞氏之兩敦夏

后氏之四璉殷之六瑚周之八簋

皆黍稷器制之異同未聞

士昏

禮期初昏饌於房黍稷四敦皆蓋婦至贊啟會卻於敦南對敦於北少牢禮主婦自東房執一金敦黍有

蓋

敦有首者尊者罷飾也飾蓋象龜周禮飾罷各以其類龜有上下甲

士喪禮廢敦重

鬲皆濯

廢敦敦無足者所以盛米

朔月奠無籩有黍稷用瓦敦有

蓋當籩位徹朔奠敦啟會面足

面足執之令足閒鄉前

既夕用


器兩敦士虞贊設兩敦于俎南特挂禮盛兩敦陳於

西堂藉用萑又曰敦簋簋之蓋皆象也禮記以管仲

鏤簋為僭者大夫之簋刻龜於蓋而已非若人君全

鏤之也其說如此今禮圖敦制彷彿如龜是其義與

鑊



案少牢饗人陳三鼎在羊鑊之西二鼎在豕鑊之西
說文云江淮閒謂釜曰鑊又曰鑊則釜也鑊也皆烹
飪之器也然詩以鑊釜湘菜以釜鬻烹魚周禮儀禮
以鑊烹牲則鑊又大於釜矣


銅



案儀禮公食大夫有四鉶少牢有兩鉶皆有扱鉶之
柶舊圖云鉶受一斗口徑底及深皆六寸兩耳三足
有蓋飾同鼎士以鐵大夫以銅諸侯以白金天子以
黃金飾其柶用木為之柶長尺櫨博三寸曲柄長六
寸鉶者所以和菜羹者也登盛太羹鉶具五味其芼
則藿苦薇也其臭則膾臠醢也 又案公食大夫禮
設四鉶而扱上鉶辨擣之止有一柶少牢羞兩鉶皆
有柶尸扱以柶祭羊鉶豕鉶者公食大夫以優賓故

止用一柶少牢以祭神故各有柶以奉尸也


俎



案俎以盛牲體及魚肉也牲體在鼎曰胾在俎曰載虞夏商周俎各不同見明堂位而周則名房俎鄭注房謂足下跗上下兩間有似於房疏云俎頭各有兩足足下各別為跗足閒橫下二跗似堂之東西兩頭各有房也少牢言俎距即此橫距也舊圖云高二尺四寸廣尺二寸又案鼎俎貴奇故少牢五鼎五俎特牲三鼎三俎而斂俎非正俎玉藻亦云諸侯日食三俎朔月五俎則俎之尚奇明矣有司徹獨有六俎

者蓋列而陳之則貴竒散而用之則雖偶可也

雞 彝




鳥 爨



畢 彝



黃 彝



虎

彝



雌 彝



案周禮司尊彝春祀夏禴裸用雞彝鳥彝秋嘗冬烝裸用斚彝黃彝追享朝享裸用虎彝雉彝皆有舟是禮記明堂位所謂灌尊也據明堂位夏后氏以雞彝殷以斚周以黃目餘三彝未詳一裸而用兩彝賈疏所謂鬱鬯配以明水也聶氏宗義曰雞彝口圓徑九寸底徑七寸腹上空徑一尺足高二寸下徑八寸受三斗司尊彝注云雞彝鳥彝刻而畫之為雞鳳凰之形六彝所畫雖別其形制容受皆同又陳氏祥道以

雞東方之物為仁鳥南方之物為禮虎為義獸雖為

智獸

案爾雅雖印鼻而長尾山海經鬲山注云雖似猴而大黃黑色尾末有岐雨則縣樹以尾塞鼻

孔或以兩指故謂之智

其說如此據郊特牲曰黃目鬱氣之上

尊也黃者中也目者氣之清明者也要之黃取其中

而稼得沖氣之和故六者共取為彝飾則彝之為常

亦惟其德不惟其器耳又陳氏據春秋傳燕人以罍

耳賂齊謂罍亦有耳然不可考矣又案陳氏祥道

曰司尊彝曰彝皆有舟尊皆有壘舟以履彝而壘非

履尊言彝有舟以見尊有禁也天子諸侯之尊廢禁
以下為貴則彝舟之為物蓋象舟之形而已先儒以
廢禁為去禁謂舟若漢承槃圜而崇尺恐不然也
又案彝皆有冪用畫布巾另圖詳之


欽定四庫全書

卷四十六


尊

獻

獻明堂
位作犧



象尊



案周禮司尊彝春祠夏禴其朝踐用兩獻尊再獻用
兩象尊禮記明堂位犧象周尊則獻當作犧阮氏謚
禮圖曰犧尊飾以牛象尊飾以象皆于尊腹畫為牛
象形此可見王氏肅全刻牛象形鑿背為尊之誤而
鄭氏之讀獻為莎竟以鳥彝為犧尊者鄭注以鳥彝為鳳凰其誤又不必言矣又尊皆有審用疏布巾
另圖詳之

尊著




案聶氏崇義曰著尊受五斗漆亦中舊圖有朱帶者
與概尊相涉恐非周禮司尊彝云秋嘗冬烝其朝獻
用著尊一盛玄酒一盛醴齊王以玉爵酌獻尸明堂
位曰著殷尊也注云著著地無足今以黍寸之尺計
之口圓徑一尺二寸底徑八寸上下空徑一尺五分
與獻尊象尊形制容受並同但無足及飾耳

尊壺



案通記輯畧謂壺尊蓋以壺為尊昆吾氏之尊也據此則其制古矣以壺為尊如大射尊於大侯之兩壺也聶氏崇義曰壺尊受五斗周禮司尊彝云秋嘗冬烝其饋獻用兩壺尊一盛玄酒一盛盎齊王以玉爵酌獻尸左傳曰尊以魯壺今以黍寸之尺計之口圓徑八寸中徑六寸半脰下橫徑八寸腹下橫徑一尺一寸底徑八寸腹上下空徑一尺二寸足高二寸下橫徑九寸漆赤中


大尊



山

即壘

尊



案聶氏崇義曰太尊受五斗周禮司尊彝云追享朝
享其朝踐用兩太尊一盛玄酒一盛醴齊王用玉爵
酌醴齊獻尸注云太尊太古之瓦尊也明堂位曰泰
有虞氏之尊也今以泰寸之尺計之口圓徑一尺脰
高三寸中橫徑九寸脰下大橫徑一尺二寸底徑八
寸腹上下空徑一尺五分厚半寸脣寸底平厚寸與
瓦甒形制容受皆同 又案司尊彝追享朝享再獻
用兩山尊鄭注以山尊為山罍是明堂位所謂山罍

夏后氏之尊蓋卽罍尊也賈疏云罍之於雷字別而同聲雷起於雲雲出於山故刻而畫之爲山雲之形據此則罍當作雲云雷回文而加以山也大罍洗罍並同又聶氏崇義曰山罍口圓徑九寸腹高三寸中橫徑八寸脰下橫徑尺二寸底徑八寸腹上下空徑一尺五分足高二寸下徑九寸知受五斗者又郭氏璞云罍形似壺大者受一斛罍既在中尊之列受五斗可知也


瓢

齋




案以下五尊皆掌自鬯人則盛鬯酒之尊也經云禁
門用瓢齋注謂取甘瓠割去抵以齋為尊疏所謂取
質畧之義此亦匏爵類但彼半而此全耳其尺寸未
聞

卣




尊 蜃



尊 概



尊 散




案聶氏崇義曰蜃尊概尊散尊阮氏並不圖載此尊
名飾雖殊以義例皆容五斗漆赤中案周禮鬯人云
廟用脩作凡山川四方用蜃凡埋事用概凡飭事用
散後鄭云卣蜃概散皆漆尊蜃者畫為蜃形蚌曰含
漿尊之象也卣中尊也謂獻象之屬然中尊皆容五
斗其蜃概散等又列於中尊之下與卣同曰漆尊故
知皆受五斗今以黍寸之尺計之口徑一尺二寸底
徑八寸足高一寸下徑九寸底至口上下中徑一尺

五分乃容五斗之數槩制容受如蜃尊案塗人職云
凡裸事用槩後鄭云槩漆尊以朱帶者賈義云槩尊
朱帶玄纁相對既是黑漆為尊以朱絡腹故名槩尊
取橫槩之義也又大宗伯云貍沈祭山林川澤後鄭
云祭山林曰貍川澤曰沈然則貍沈之類皆用槩尊
散尊形制容受如槩案塗人職云凡鬯事用散尊後
鄭云漆尊無飾曰散賈義云對槩蜃獻象等四尊各
有異物為飾言此散尊唯漆而已別無物飾故曰散

又大宗伯云鬯辜祭四方百物後鄭云鬯鬯牲胸也
賈疏云此無正文蓋見當時鬯礫牲體者皆從胸臆
鬯析之言此鬯辜謂披析牲體礫禋及蜡祭也蜡祭
有神與四方百物是其一事如此之類乃用散尊

爵



案聶氏崇義曰以木為之漆赤中餘同玉爵又朱子
紹興禮器圖曰範銅為之兩柱三足有流有鑿通柱
高八寸二分深三寸三分闊二寸九分又陸氏佃禮
象曰古銅爵有首有尾有柱有足有柄先儒謂柄為
尾非也據朱子圖爵上作兩柱者趙氏謙聲音文字
通所謂象爵頭兩柱連柄尾之形也許氏慎說文爵作僣趙所謂兩
柱連柄尾者以鼎言三足者楊氏桓六書統爵字作三足據隸
書爵首從爪爪三足之象說文所謂凡爪之屬從爪

也兩柱之前為流如圭瓚龍口在前以其出酒故謂

之流螯即柄宣和博古圖所謂其後為尾執者為螯

也

朱子圖前有流後有尾圖說不言尾省文

中作篆鄂口足皆然蓋本土

虞禮總爵注篆飾之義螯上有首當象爵為之陸氏

禮象爵似朱子說而無篆其素爵與又案聶氏云


今祭祀之爵刻木雀立方板失之矣漢書律歷志斛

制口足皆圓有兩耳其狀如爵以前代玉爵柄尺之


類多半刻其形也其說如此乃其圖仍作爵立方板

誤矣


觚




解




角



散



觶




案酒器有觚有觶有角有散是數者考其形則體圜足方諸器略同唯觶無耳觚與角散皆有耳據聶氏引鄭邠人注云散尊無飾惟明堂位璧散璧角以璧飾其口耳考其所容則二升曰觚三升曰觶四升曰角五升曰散而口徑腹底各相稱也考其所用則獻酬皆用觚而尊者舉觶卑者舉角賤者舉散考其總稱則皆可名之曰爵而其實則皆曰觴也獨觥則所載甚少故特注云二觚二爵四觶一角一散而獨不

及觥則觥之所用正禮所無不在五爵之例矣然考之七月詩言稱彼兕觥春秋傳衛侯饗苦成叔而甯惠子歌兕觥其觥則饗有觥也鄭人燕趙孟穆叔子皮舉兕觥是燕有觥也閭胥掌比觥是鄉飲有觥也絲衣言兕觥是賓尸有觥也其質用兕其容七升其用主罰陳氏祥道謂燕禮鄉飲酒大夫之饗皆有旅酬無算爵於是時也用觥其或然與又案諸器名雖不同而聖人制器尚象之意則總教人節飲而已

疏云觶者寡也飲當寡也觶者適也飲當自適也角者觸也觸罪過也散則訕也飲不節為人訕也許慎云觥罰有過一飲而盡七升為過多也又諸爵皆可奠而觥不可奠豈以罰爵異之與此聖人制器之意一覽斯器已不啻立之監而佐之史矣


勺




案考工記梓人為飲器勺一升注云勺尊升蓋斟酒之器也據明堂位云夏后氏以龍勺殷以疏勺周蒲勺注龍龍頭疏通疏其頭蒲合蒲鳧頭勺制之不同如此梓人之勺未詳何代之器然考工周禮似當以合蒲如鳧頭之蒲勺為準然又據聶氏崇義云梓人為勺受一升亦宜畫龍頭柄依舊圖長二尺四寸餘制並同鬱勺鬱勺者即龍勺疏勺蒲勺也明堂位三勺本承雞彝黃目言之故以三勺為鬱勺據此則梓

人之勺即明堂位之龍勺矣持據聶說圖之

疏巾




巾 畫



蒲

巾




案周官冢人祭祀以畫布巾冢六彝以疏布巾冢八尊凡王巾皆黼陳氏祥道曰八尊以獻及祀天地故巾疏而不畫六彝以裸施於宗廟故巾畫而不疏冢人言疏布巾則畫用精者可知言畫布巾則疏之不畫可知鄭氏曰周尚武畫黼用文德也又曰畫者畫雲氣此皆不可考也燕禮公尊冢用綌若錫大射冢用錫若絺士喪冢用功布士虞冢用絺鄉飲酒士昏特挂冢皆用綌蓋人君尊也故燕與大射之冢用葛


若錫冬夏異也人臣卑也故鄉飲昏喪祭之幕用葛而已冬夏同也然士冠禮禮賓昏禮贊禮婦聘禮禮賓皆用醴而無幕以醴質故也醢用酒亦無幕從禮子之質故也燕禮君尊有幕方壺圓壺無幕卑屈於尊故也昏禮尊於室內有幕尊於房戶外無幕賤屈於貴故也若夫鄉飲與射則無所屈焉故皆有幕大射之禮幕綴諸箭則異於他幕矣又曰凡王巾皆黼則諸侯大夫士之中不畫黼據此則鄭注所謂畫雲

氣者其諸侯大夫士之中與又王制疏云巾布廣二
尺二寸帛廣二尺四寸

互



蔡



盆



案大司徒牛人祭祀共其牛牲之互與其盆簠以待
事注謂盆以盛血簠以受肉互若今屠家縣肉格疏
謂始殺解體未薦時縣之陳氏謂互為行馬行馬蓋
掌舍所謂桎耳然陳圖甚卑不可縣肉特易而高
之又案陶人盆受二鬴唇半寸厚寸此當差小其
制則一簠之大小似與盆同

欽定周官義疏卷四十六